

Broj: 01-04-13-02033/2024

Datum: 16.04.2024.godine

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO OKOLIŠA I TURIZMA
n/p ministrica dr.sci. Nasiha Pozder
veza vaš akt br. 04/2-19-2-305/24 od 08.04.2024.godine**

PREDMET: Upit vezano za zahtjev za provođenje hitne inspeksijske intervencije povodom izvođenja radova na obalama rijeke Plive, *dostavlja se*

Poštovana,

Vežano za vaš akt gornji broj, koji se naslanja na delegatsku inicijativu delegatkinje Doma naroda Parlamenta Federacije BiH, Sanele Klarić, kojom ista zahtjeva hitnu intervenciju na trenutnom izvođenju radova na obalama rijeke Plive, zbog nejasno i neprecizno definisanog zahtjeva upućenog Federalnoj upravi za inspeksijskom inrtervencijom, primorani smo obratiti vam se ovim zahtjevom za dobijanje potrebnog pojašnjenja.

Naime, imajući u vidu obavezu postupanja po delegatskoj inicijativi, nakon što smo pažljivo pročitali i zahtjev i obrazloženje uvažene delegatkinje Sanele Klarić, a potom i vaš zahtjev iz predmetnog akta, ovim vas infomišemo da nije moguće postupiti po traženom.

U cilju pravovremene intervencije i traženog djelovanja Federalne uprave, molimo da nam precizirate o kojim radovima je riječ (građevinskim ili nekim drugim) na kojem lokalitetu se izvode predmetni radovi (obala rijeke Plive nije dovoljno precizirano mjesto za inspeksijsku intervenciju) također, važan je i podatak koji se odnosi na period izvođenja radova (kada su započeti predmetni radovi), kao i druge važne podatke na temelju kojih bi bilo jasnije odrediti o nadležnosti koje federalne inspekcije je riječ.

Iz dopisa dakle nije jasno na koji se tačno Inspektorat odnosi predmetni zahtjev, tj. da li se isti odnosi na inspektora zaštite okoliša, građevinskog inspektora, vodnog ili inspektora zaštite prirode, ili pak više njih?

Uvažavajući trenutni administrativni kapacitet FUZIP-a, kao i činjenicu da je u toku provođenje akcije pojačanog nadzora u kantonima, iz objektivnih razloga nije moguće izvršiti traženu hitnu inspekcijsku intervenciju, bez tačno preciziranog lokaliteta.

Vežano za oblast zaštite prirode u inicijativi je navedeno da „prema Zakonu o zaštiti prirode FBiH bilo kakva intervencija u prirodi mora imati **dozvolu** za izvođenje te intervencije od strane Federalnog ministarstva okoliša i turizma“ i da „svaka intervencija u prirodi koja može uništiti prirodu, ugroziti biljne i životinjske vrste i njihova staništa mora biti **odobrena** od strane **Federalnog ministarstva okoliša i turizma**“, ovim putem Vam se obraćamo sa molbom za pojašnjenje u vezi sa ovim navodima.

Obzirom da nije riječ o zaštićenom području, niti koliko je poznato ovoj inspekciji, o ekološki značajnom području, molimo smjernice u kom smislu i po kom osnovu inspektor zaštite prirode treba da interveniše vežano za ovu inicijativu tj. koju konkretno **dozvolu** da kontroliše.

Takođe, zbog učestalosti prijava ove vrste upućenih inspekciji zaštite prirode, za radnje koje se vrše na **prirodnim dobrima**, ovom prilikom Vas molimo da nam dostavite tumačenje dijelova Zakona o zaštiti prirode („Službene novine Federacije BiH“, 66/13) i to od člana 18. do člana 24. Posebno nam je važno da se osvrnete na to da li se pomenute odredbe odnose na uređenje prostora i korištenje prirodnih dobara u vezi sa zaštićenim područjima i ekološki značajnim područjima ili i izvan njih, te u kojim dokumentima prostornog uređenja su sadržane mjere i uslovi zaštite prirode kako je propisano članom 20. Zakona o zaštiti prirode.

Nakon što dobijemo tražena pojašnjenja, pristupit ćemo realizaciji konkretne delegatske inicijative.

S poštovanjem,


Dostavljeno:

1 x ministrica- dr.sci. Nasiha Pozder

1 x delegatkinja Sanela Klarić

1 x a/a

18-04-2024



RD